



STATUT OLIMPIJSKOG KOMITETA BOSNE I HERCEGOVINE

Sarajevo, april 2017.

Na osnovu člana 26. i 28. Statuta Olimpijskog komiteta Bosne i Hercegovine u vezi sa odredbama Olimpijske povelje, Etičkog kodeksa Međunarodnog olimpijskog komiteta i Svjetskog antidoping kodeksa, Zajedničke izjave iz Lozane, Generalna skupština Olimpijskog komiteta Bosne i Hercegovine, na svojoj 2. redovnoj sjednici održanoj 20. 4. 2017. godine, donijela je:

STATUT OLIMPIJSKOG KOMITETA BOSNE I HERCEGOVINE

I OSNOVNE ODREDBE

Član 1.

1. Olimpijski komitet Bosne i Hercegovine (u daljem tekstu: OK BiH) osnovan je 4. juna 1992. godine i priznat od strane Međunarodnog olimpijskog komiteta 24. septembra 1993. godine.
2. OK BiH član je Međunarodnog olimpijskog komiteta (u daljem tekstu: MOK) i obavezan je poštovati principe i odredbe Olimpijske povelje, Etičkog kodeksa MOK-a i Svjetskog antidoping kodeksa, odluka MOK-a kao najvišeg tijela Olimpijskog pokreta.
3. OK BiH upisan je u Registar Udruženja kod Ministarstva pravde Bosne i Hercegovine u skladu sa odredbama Zakona o sportu u Bosni i Hercegovini ("Službeni glasnik BiH" br: 27/08, 102/09 i 66/16) i Zakona o udruženjima i fondacijama Bosne i Hercegovine ("Službeni glasnik BiH" br: 32/01, 42/03, 63/08, 76/11 i 94/16).


Član 2.

1. OK BiH je nevladina, nepolitička i neprofitabilna pravna osoba.
2. OK BiH je u svom djelovanju samostalan.
3. OK BiH se organizira i djeluje u skladu sa odredbama Olimpijske povelje.

Član 3.

Ovim Statutom se utvrđuje:

- a) naziv udruženja, skraćeni naziv, ukoliko postoji, i adresa udruženja;
- b) ciljevi i djelatnosti udruženja;
- c) postupak za primanje i isključivanje članova;



- d) organi udruženja, način na koji se biraju, ovlaštenja koja imaju, kvorum i pravila glasanja, trajanje mandata, lice ovlašteno da sazove skupštinu, uvjeti i način raspuštanja, odnosno prestanak rada;
 - e) pravila za ostvarivanje, korištenje i raspolaganje sredstvima udruženja, kao i organ koji je ovlašten za nadzor nad korištenjem tih sredstava;
- e1) način podnošenja finansijskog izvještaja i izvještaja o radu;
- f) javnost rada;
 - g) postupak za izmjenu i dopunu Statuta, ovlaštenje i način donošenja drugih općih akata;
 - h) opis oblika i sadržaj pečata i znaka udruženja;
 - i) zastupanje udruženja;
 - j) uvjete i postupak za spajanje, podjelu, odnosno prestanak rada udruženja, uključujući i bilo kakav poseban kvorum ili pravila za postizanje kvalificirane većine u postupku glasanja i
 - k) postupak za raspolaganje preostalom imovinom ili drugim sredstvima u slučaju raspuštanja ili prestanka rada udruženja.

Član 4.

1. Puni naziv OK BiH glasi:
 - Olimpijski komitet Bosne i Hercegovine;
 - Олимпијски комитет Босне и Херцеговине;
 - Olimpijski odbor Bosne i Hercegovine.
2. Skraćeni naziv OK BiH glasi:
 - OK BiH;
 - ОК БиХ;
 - ОО БиН.
3. OK BiH ima i puni naziv na engleskom jeziku koji glasi: *Olympic Committee of Bosnia and Herzegovina*.
4. Naziv OK BiH na engleskom jeziku može se koristiti samo uz istodobno navođenje naziva OK BiH na službenim jezicima i pismima koji su u upotrebi u Bosni i Hercegovini, izuzev kada je u pitanju član 10. stav 2.
5. U službenoj upotrebi, OK BiH koristi službene jezike koji su u upotrebi u Bosni i Hercegovini.
6. Ćirilično i latinično pismo su ravnopravni.
7. U korespondenciji sa inostranstvom koristi se engleski ili francuski jezik.

Član 5.

1. OK BiH djeluje na području cijele Bosne i Hercegovine.
2. Sjedište OK BiH je Sarajevo, Bosna i Hercegovina, Ulica Alipašina bb.

Član 6.

1. OK BiH ne dopušta rasnu, etničku, nacionalnu, vjersku, političku i spolnu diskriminaciju, te kršenje sloboda i prava čovjeka i građanina.

Član 7.

1. Za svoje obaveze OK BiH odgovara cijelom svojom imovinom, u skladu sa zakonom.

Član 8.

1. OK BiH ima pečat, znak i zastavu.

Član 9.

1. Pečat OK BiH je okruglog oblika, sa ispisanim tekstom uz dvostruko oivičeni rub: "Olimpijski komitet Bosne i Hercegovine", napisan latiničnim i ćiriličnim pismom, u gornjem, odnosno donjem polukrugu, zatim sjedište: Sarajevo, a u sredini kruga nalazi se znak OK BiH.

Član 10.

1. Znak OK BiH čini pet krugova iznad grba Bosne i Hercegovine, a tekst "Olimpijski komitet Bosne i Hercegovine" latiničnim i ćiriličnim pismom, na bijeloj podlozi uokviruje znak. Olimpijski krugovi su u bojama propisanim MOK-ovim propozicijama.
2. U svrhu jednoobraznosti predstavljanja OK BiH na svim međunarodnim višesportskim manifestacijama, svi predstavnici sportske delegacije OK BiH dužni su da nose službenu odjeću na kojoj je znak OK BiH sa pet krugova iznad grba BiH, uokviren tekstom *OLYMPIC COMMITTEE OF BOSNIA AND HERZEGOVINA*.
3. Znak OK BiH na engleskom jeziku može se koristiti u promotivne, komercijalne i slične svrhe.

Član 11.

1. Zastava OK BiH je bijele boje, širine i dužine 1:2, sa znakom OK BiH smještenim u sredini zastave.

2. Središnja tačka zastave poklapa se sa tačkom u kojoj se presijecaju dijagonale zastave.

Član 12.

1. U slučaju promjene znaka i zastave OK BiH, znak i zastavu OK BiH odobrava Međunarodni olimpijski komitet.

Član 13.

1. OK BiH predstavlja i zastupa Predsjednik OK BiH, odnosno Prvi i Drugi potpredsjednik OK BiH u skladu sa utvrđenim redoslijedom predsjedavanja.

2. OK BiH zastupa i Generalni sekretar OK BiH u skladu sa ovlaštenjima i odgovornostima utvrđenim ovim Statutom.

Član 14.

1. Rad OK BiH je javan.


2. Javnost rada osigurava se i ostvaruje na način utvrđen ovim Statutom.

II CILJEVI I DJELATNOST OK BIH

Član 15.

Cilj i djelatnost OK BiH su:

1. Širenje i afirmiranje principa olimpijskog pokreta i etičkih normi u sportu.
2. Briga i zaštita simbola i obilježja Međunarodnog olimpijskog komiteta u Bosni i Hercegovini.
3. Predstavljanje sporta Bosne i Hercegovine u Međunarodnom olimpijskom komitetu i odgovarajućim međunarodnim sportskim asocijacijama.
4. Organizacija i rukovođenje aktivnosti nastupa sportista Bosne i Hercegovine na Olimpijskim igrama i drugim zvaničnim međunarodnim takmičenjima.
5. Učešće ekipa i pojedinaca na drugim međunarodnim takmičenjima pod okriljem MOK-a, ANOK-a, EOK-a i ICMG-a. OK BiH je odgovoran za ponašanje članova svoje delegacije.
6. Podsticanje, praćenje i unapređenje sporta u Bosni i Hercegovini.
7. Učestvovanje u ostvarivanju politike razvoja sporta u Bosni i Hercegovini.
8. Predlaganje programa od javnog interesa u sportu.
9. Učešće u izradi Strategije.



10. Usklađivanje aktivnosti SSBiH olimpijskih sportova Bosne i Hercegovine na ostvarivanju Strategije.
11. Druga pitanja od značaja za razvoj i unapređenje olimpijskih sportova u Bosni i Hercegovini.
12. Osigurava poštivanje i provođenje Olimpijske povelje.
13. Poduzima mjere protiv svakog oblika diskriminacije i nasilja u sportu na osnovu rase, etničke, vjerske, političke, spolne ili druge pripadnosti.
14. Nadležnim državnim organima predlaže programe od općeg interesa u sportu.
15. Saraduje sa Paraolimpijskim komitetom BiH i pruža pomoć u okviru svojih nadležnosti.
16. Organizira sportska takmičenja i sportske priredbe u zemlji u disciplinama olimpijskih sportova pod pokroviteljstvom MOK-a, ANOK-a, EOK-a i ICMG-a, uz prethodno pribavljenu saglasnost nadležnog ministarstva BiH.
17. Učestvuje u utvrđivanju i realizaciji sportsko-promotivnih programa na cjelokupnom teritoriju Bosne i Hercegovine.
18. Ekskluzivno predstavlja Bosnu i Hercegovinu na Olimpijskim igrama i na regionalnim, kontinentalnim i svjetskim multidisciplinskim sportskim takmičenjima pod patronatom MOK-a, ANOK-a, EOK-a i ICMG-a.
19. Podstiče i preuzima odgovornost za obnovu i osnivanje državne Olimpijske akademije, Olimpijskog muzeja i kulturnih programa vezanih za Olimpijski pokret.
20. Doprinosi širenju ideje olimpizma i Svjetskog antidoping kodeksa u nastavnim programima fizičkog vaspitanja i sporta u školama i univerzitetskim ustanovama.
21. Doprinosi unapređenju stručnog rada trenera i sudija i pruža pomoć u obuci sportsko-administrativnih kadrova.
22. Radi na održavanju dobrih i kooperativnih odnosa sa nadležnim organima svih nivoa vlasti u BiH na način da štiti autonomiju OK BiH i opire se svim oblicima pritisaka, uključujući i one političke, vjerske ili ekonomske prirode, koji ga mogu sprečavati u poštivanju Olimpijske povelje.
23. Bori se protiv upotrebe supstanci i procedura koje Međunarodni olimpijski komitet i međunarodne federacije zabranjuju. Usvojiti i provesti Svjetski antidoping kodeks, te pritom osiguravati da antidoping politike i pravila OK BiH te članske i/ili finansijske obaveze i procedure postupanja sa rezultatima budu usaglašene sa Svjetskim antidoping kodeksom i da poštuju sve uloge i odgovornosti Nacionalnih olimpijskih komiteta koje su navedene u Svjetskom antidoping kodeksu.
24. Kandidira organizatora Olimpijskih igara, svjetskog ili evropskog prvenstva ili drugog sportskog takmičenja u disciplinama olimpijskih sportova.
25. Obavljaja i druge zadaće koje su utvrđene zakonom, ovim Statutom i drugim propisima, kako je navedeno u članu 89. ovog Statuta.

III ČLANSTVO U OK BiH

Član 16.

1. Članovi OK BiH mogu biti punopravni, pridruženi i počasni članovi.

Član 17.

Punopravni članovi

Punopravni članovi OK BiH su:

1. Svi sportski savezi Bosne i Hercegovine (u daljem tekstu SSBiH) priznati od strane Međunarodnih federacija za sportove iz programa Olimpijskih igara, trenutno ili u budućnosti, i to najmanje pet takvih SSBiH, koji ujedno ispunjavaju obaveze iz člana 20. ovog Statuta. Ovi SSBiH su *ex-officio* članovi OK BiH i moraju sačinjavati glasačku većinu u OK BiH i njegovom Izvršnom komitetu.
2. Član(ovi) MOK-a po službenom položaju je/su *ex-officio* član(ovi) OK BiH.
3. Dva ili više predstavnika Komisije sportista, koja će biti organizirana i opunomoćena da djeluje u toku trajanja mandata Generalne skupštine OK BiH. Ovi punopravni članovi OK BiH mogu biti aktivni ili bivši sportisti, učesnici Olimpijskih igara. Bivši sportisti se moraju povući sa svojih funkcija najkasnije do kraja treće Olimpijade od posljednje Olimpijade na kojoj su učestvovali. Ovi će članovi zastupati interese svih bosanskohercegovačkih sportista u OK BiH.
4. Punopravni članovi Olimpijskog komiteta Bosne i Hercegovine su građani Bosne i Hercegovine, olimpijci, vrhunski sportisti, sportski stručnjaci i istaknuti sportski radnici koje predlažu SSBiH priznati od strane Međunarodnih federacija za sportove iz programa Olimpijskih igara. Tom prilikom će se voditi računa o regionalnoj, spolnoj i nacionalnoj zastupljenosti.

Član 18.

Pridruženi članovi

1. SSBiH i udruženja čiji sport i aktivnosti nisu u Olimpijskom programu, a ispunjavaju uvjete iz ovog Statuta o načinu sticanja prava članstva u OK BiH, može se omogućiti da imaju članstvo u OK BiH, u statusu pridruženog člana.
2. Pridruženi članovi OK BiH imaju pravo da sudjeluju na sjednicama Olimpijskog komiteta bez prava odlučivanja.

Član 19.

Počasni članovi

1. Zaslužni sportisti i učesnici Olimpijskih igara te sportski radnici i građani koji su ostvarili značajan doprinos u promociji sporta i olimpizma mogu postati počasni članovi Olimpijskog komiteta BiH.

2. Počasni članovi se pozivaju na sjednice i manifestacije koje organizira Olimpijski komitet BiH. Počasni članovi mogu biti pozvani i na druge manifestacije organizirane od strane Olimpijskog komiteta BiH, ali bez prava odlučivanja.

Član 20. **Uvjeti za učlanjenje**

1. Uvjeti za članstvo u OK BiH SSBiH, iz člana 17. stav 1. ovog Statuta su:
 - a) Da je matična Međunarodna federacija uključena u program Olimpijskih igara i priznata od strane MOK-a.
 - b) Da je SSBiH za određeni sport osnovan i registriran na nivou Bosne i Hercegovine u skladu sa zakonom.
 - c) Da je svrha osnivanja i djelovanja SSBiH razvoj i unapređenje, širenje i afirmacija sporta u Bosni i Hercegovini prema načelima sporta i olimpizma, Etičkog kodeksa MOK-a, Svjetskog antidoping kodeksa i ovog Statuta.
 - d) Da SSBiH ima osigurane kadrovske i stručne, te osnovne materijalne uvjete za rad i djelovanje.
 - e) Da je samo jedan SSBiH za isti sport priznat od strane matične Međunarodne federacije član OK BiH. Svaki takav SSBiH će u svom sportu predstavljati i djelovati na cjelokupnoj teritoriji Bosne i Hercegovine.
 - f) Da SSBiH prihvaća Statut OK BiH.
 - g) Ukoliko Međunarodna federacija uvjetuje SSBiH da je član OK BiH, takav SSBiH će biti primljen u članstvo uz uvjet da do naredne redovne sjednice Generalne skupštine OK BiH priloži potvrdu o članstvu u matičnoj Međunarodnoj federaciji.
2. Uz zahtjev za učlanjenje, SSBiH, organizacija ili asocijacija će priložiti dokaze o ispunjavanju kriterija i uvjeta navedenih u članovima 17. stav 1. i 18. ovog Statuta, a naročito:
 - a) Svoj Statut.
 - b) Rješenje o upisu u registar nadležnog organa.
 - c) Izvod iz registra ne stariji od tri mjeseca.
 - d) Potpis i popis članova.
 - e) Podatke o osobama ovlaštenim za zastupanje i predstavljanje SSBiH, organizacije ili asocijacije.
3. Izuzev za *ex-officio* članove, navedene u članu 17. stav 1, 2. i 3. ovog Statuta, odluku o učlanjenju u OK BiH donosi Generalna skupština OK BiH na prijedlog Izvršnog komiteta OK BiH.
4. Za člana OK BiH može biti izabrana osoba koja ispunjava sljedeće uvjete i kriterije:
 - a) Da je državljanin Bosne i Hercegovine.
 - b) Da je renomirani sportista ili sportski radnik.
 - c) Da prihvata i priznaje načela i pravila Olimpijske povelje, Etičkog i Antidoping kodeksa MOK-a te ovog Statuta.

- d) Da nije prekršio etičke norme i načela Olimpijskog pokreta.
5. Članovi OK BiH obavezni su potpisati posebnu izjavu o poštivanju Olimpijske povelje i ovog Statuta.
6. Odbijanje potpisa izjave iz prethodnog stava ovog člana ima značaj ostavke, te je SSBiH kojeg predstavlja dužan predložiti novog predstavnika u OK BiH.
7. Država i njezina tijela, kao i druga tijela javne vlasti i nedržavnih institucija, u skladu sa Olimpijskom poveljom ne mogu imenovati svoje predstavnike u OK BiH.

Član 21. Prava i obaveze članova


1. Članovi OK BiH u ostvarivanju zajedničkih interesa, zadataka i poslova, određenih zakonom, ovim Statutom i Olimpijskom poveljom imaju prava i obaveze:
- a) Sudjelovati u radu OK BiH i njegovih tijela i davati prijedloge radi što uspješnijeg ostvarivanja ciljeva i zadataka OK BiH.
 - b) Birati predstavnike u Generalnu skupštinu OK BiH u skladu sa odredbama ovog Statuta.
 - c) Provoditi aktivnosti kojima se ostvaruju zadaci i ciljevi utvrđeni ovim Statutom.
 - d) Sudjelovati u utvrđivanju i provođenju programa javnih potreba u sportu Bosne i Hercegovine, te prema vlastitom sudjelovanju u tom programu ostvarivati pravo na finansiranje programskih zadataka iz sredstava OK BiH u skladu s kriterijima koje utvrđuje OK BiH.
 - e) Provoditi odluke i zaključke OK BiH i njegovih tijela, te odgovarati za njihovo izvršavanje.
 - f) Ostvarivati druga prava i izvršavati druge obaveze u skladu sa zakonom i ovim Statutom.
2. Članovima Olimpijskog komiteta Bosne i Hercegovine, osim onih koji rade u Stručnoj službi OK BiH, zabranjeno je primati platu ili bonus bilo kakve vrste za svoj rad ili funkciju. Isti imaju pravo na opravdane materijalne troškove u OK BiH u skladu sa zakonom.

Član 22. Prestanak članstva

1. Članu OK BiH prestaje članstvo:
- a) Brisanjem iz registra nadležnih tijela.
 - b) Zabranom rada.
 - c) Kada više ne udovoljava osnovnim uvjetima za članstvo u OK BiH.
 - d) Isključenjem iz OK BiH.

Član 23.


1. Kada član OK BiH svojim djelovanjem:



- a) Ne ostvaruje ciljeve i zadatke zbog kojih je osnovan.
- b) Ne pridržava se ili krši načela i pravila Olimpijske povelje i ovog Statuta.
- c) Ne izvršava i provodi odluke i zaključke tijela OK BiH, podliježe mjerama i sankcijama utvrđenim ovim Statutom.

Član 24.

1. Radi djelovanja iz člana 23. ovog Statuta, članovima OK BiH mogu se izreći:
 - a) Mjere:
 - upozorenja;
 - opomena.
 - b) Sankcije:
 - suspenzija;
 - isključenje iz članstva OK BiH.
2. Izricanje mjera ili sankcija utvrđenih u stavu 1a) i 1b) ovog člana ovisi o vrsti, težini i stepenu učinjene povrede ili prekršaja iz člana 23. ovog Statuta, a primjenjuje se:
 - za lakšu povredu: upozorenje ili opomena;
 - za težu povredu: suspenzija ili isključenje iz članstva OK BiH.
3. O izricanju mjere upozorenja ili opomene odlučuje Izvršni komitet OK BiH. Na prvoj sljedećoj sjednici Generalne skupštine OK BiH, Izvršni komitet OK BiH izvještava o izrečenoj mjeri iz prethodnog stava.
4. Generalna skupština OK BiH donosi konačnu odluku po žalbi člana OK BiH o suspenziji i isključenju iz članstva OK BiH.
5. U slučaju hitne potrebe Izvršni komitet OK BiH može izreći i sankciju suspenzije, o čemu konačnu odluku donosi Generalna skupština OK BiH na prvoj sljedećoj sjednici koja se treba održati najkasnije u roku 60 dana.
6. Posebnim aktom OK BiH uređuju se pitanja provođenja postupka za utvrđivanje povreda ili prekršaja iz člana 23. i izricanje odgovarajućih mjera i sankcija utvrđenih u stavu 1. ovog člana. Ovaj će akt biti u skladu sa članom 89. ovog Statuta.
7. OK BiH vodi spisak svojih članova:
 - a) Popis članova udruženja vodi se elektronski ili na drugi odgovarajući način i sadrži:
 - ime, prezime, odnosno naziv člana, s adresom prebivališta, odnosno sjedišta;
 - datum pristupanja i broj pristupnice udruženja;
 - vrstu članstva udruženja, u skladu sa Statutom;
 - datum prestanka članstva u udruženju.
 - b) Popis članova udruženja mora biti dostupan na uvid nadležnim organima na njihov zahtjev.



IV SASTAV OK BiH

Član 25.

Organi OK BiH

1. Organi OK BiH su:

- a) Generalna skupština OK BiH.
- b) Izvršni komitet OK BiH.
- c) Predsjedništvo OK BiH.
- d) Generalni sekretar OK BiH.

OK BiH u skladu sa međunarodnim propisima sadrži i nezavisne organe:

- e) Nadzorni odbor OK BiH.
- f) Sud časti i sportske arbitraže OK BiH.
- g) Komisija za antidoping kontrolu OK BiH.

Član 26.

Generalna skupština OK BiH

Generalna skupština OK BiH obavlja sljedeće zadatke:

1. Donosi i usvaja Statut, kao i izmjene i dopune Statuta.
2. Učestvuje u izradi Strategije razvoja sporta u BiH.
3. Usklađuje aktivnosti SSBiH olimpijskih sportova na ostvarivanju Strategije razvoja sporta u BiH.
4. Utvrđuje i predlaže nadležnim organima programe od općeg interesa u sportu.
5. Donosi odluke o učlanjenju u međunarodne sportske i nedržavne asocijacije od interesa za OK BiH i bh. sport.
6. Verificira uspostavljanje odnosa sa drugim Olimpijskim komitetima.
7. Odlučuje o isticanju kandidature za organizaciju Olimpijskih igara, Mediteranskih igara i drugih višesportskih natjecanja za koje je potrebno donijeti odluku, uz prethodno pribavljenu saglasnost nadležnog ministarstva BiH.
8. Odlučuje o verifikaciji svojih članova, razrješenju i imenovanju Predsjedništva OK BiH, Izvršnog komiteta OK BiH, Nadzornog odbora OK BiH, Vijeća sportske arbitraže OK BiH i Komisije za antidoping kontrolu.
9. Odlučuje o statusu svojih članova – učlanjenju, sankcijama i prestanku članstva.
10. Odlučuje o spajanju, podjeli i prestanku rada OK BiH
11. Odlučuje o osnivanju Olimpijske akademije BiH i Olimpijskog muzeja.
12. Osniva posebne komisije za izvršavanje određenih zadataka.



13. Donosi godišnje i višegodišnje planove i programe javnih potreba sporta na državnom nivou te izvještaje o izvršenju programa i potrošenim finansijskim sredstvima.

Član 27. **(Sastav Generalne skupštine OK BiH)**

1. Generalna skupština OK BiH je sastavljena od punopravnih, pridruženih i počasnih članova.
2. Punopravni članovi su:
 - a) Predsjednik ili legitimni predstavnik svakog SSBiH olimpijskog sporta priznatog od strane njegove Međunarodne federacije i učlanjenog u Olimpijski komitet BiH, kako je propisano u članu 17. stav 1. i članu 20. ovog Statuta.
 - b) Član(ovi) MOK-a iz Bosne i Hercegovine, kako je propisano u članu 17. stav 2. ovog Statuta (nema članova).
 - c) Dva ili više predstavnika Komisije sportista, kako je propisano u članu 17. stav 3. ovog Statuta (2 člana).
 - d) Dvanaest članova Generalne skupštine OK BiH koji se biraju na prijedlog Izvršnog komiteta OK BiH iz reda kandidata koje su kandidirali SSBiH u skladu sa članom 17. stav 1. alijena 4. po proceduri predviđenoj Poslovnikom o radu Generalne skupštine OK BiH, pri čemu se vodi računa o regionalnoj, spolnoj i nacionalnoj strukturi ukupnog sastava članova Generalne skupštine OK BiH.
3. Pridruženi i počasni članovi definirani članom 18. i članom 19. ovog Statuta.
4. Pravo glasa u Generalnoj skupštini OK BiH imaju punopravni članovi Generalne skupštine OK BiH iz stava 2. ovog člana.

Član 28. **(Izborna sjednica Generalne skupštine OK BiH)**

1. Izborna sjednica Generalne skupštine OK BiH na kojoj se vrši izbor organa OK BiH održava se najkasnije šest mjeseci po završetku Ljetnih olimpijskih igara.
2. Mandat članova organa OK BiH traje četiri godine, a može prestati istekom, ostavkom ili opozivom prije isteka četiri godine. Broj mandata nije ograničen.
3. Izborne procedure za organe OK BiH kao i njihov rad u dijelu u kome nisu uređeni ovim Statutom, bliže se uređuje Poslovnikom o radu Generalne skupštine OK BiH.
4. Naknadno izabranom članu Generalne skupštine OK BiH mandat traje do isteka mandata saziva Generalne skupštine OK BiH za koji je izabran.
5. Iznimno, u slučaju spriječenosti člana Generalne skupštine OK BiH – predstavnika SSBiH ili Komisije (prema navedenom u članu 17. stav 1. i 3. ovog Statuta) da sudjeluje na sjednici Generalne skupštine OK BiH, nadležno tijelo SSBiH ili Komisije može, na temelju pisane odluke, imenovati zamjenika za tu sjednicu. Kad je u pitanju mandat ovih predstavnika, isti će se odnositi isključivo na funkciju, a ne na osobu. Konsekventno, ti će članovi biti, u svako doba, predstavnici svojih SSBiH ili Komisije. Ako, iz bilo kog razloga, član ne ispunjava ovaj

zahtjev, on/ona će biti odmah zamijenjen drugim predstavnikom imenovanim i mandatiranim od strane SSBiH ili Komisije koju on/ona predstavlja, do isteka mandata.

Član 29.

1. Izbornu sjednicu Generalne skupštine OK BiH saziva Predsjednik OK BiH u skladu sa Poslovníkom o radu Generalne skupštine OK BiH.

Član 30.

1. Članovi Generalne skupštine OK BiH sudjeluju u radu i odlučivanju zasnivajući svoje stavove prije svega na:

- a) Zahtjevima provođenja utvrđene Strategije razvoja sporta u BiH.
- b) Zajedničkim obavezama i odgovornostima za ostvarivanje programa javnih potreba u sportu BiH.
- c) Težnjama ka ostvarivanju sportskih vrijednosti koje pridonose razvijanju, afirmaciji i ugledu sporta i BiH.
- d) Zajedničkim interesima svih članova i obavezi izvršenja ciljeva i zadataka OK BiH utvrđenih zakonom, ovim Statutom i Olimpijskom poveljom.

2. Obaveza je članova Generalne skupštine OK BiH u svakoj prilici zastupati i štitići interese OK BiH, bh. sporta i olimpizma, te interese SSBiH koji predstavljaju.

Član 31.

1. Članu Generalne skupštine mandat može prestati:

- a) Istekom trajanja mandata na koji je izabran.
- b) Gubitkom državljanstva BiH.
- c) Podnošenjem neopozive ostavke.
- d) Razrješenjem.
- e) Nastupanjem okolnosti zbog kojih više ne može obavljati dužnost.

Član 32.

1. U slučajevima iz člana 31. stav 1. alineja 1, 2, 3. i 5. ovog Statuta, članstvo prestaje automatski, bez provođenja posebnog postupka, verifikacijom stanja na sjednici Generalne skupštine OK BiH.

2. U slučaju razrješenja iz člana 31. stav 1. alineja 4. ovog Statuta, mandat člana u Generalnoj skupštini OK BiH može prestati u slučaju:

- a) Ako ne prihvaća, ne pridržava se ili krši načela i pravila ovog Statuta, Olimpijske povelje, Etičkog kodeksa MOK-a i Svjetskog antidoping kodeksa.



- b) Ako svojim nedoličnim ponašanjem šteti interesima ili ugrožava ugled OK BiH, Međunarodnog olimpijskog komiteta, duha olimpizma i olimpijskog pokreta u javnosti.
 - c) Ako tokom dvije godine neopravdano izostaje sa sjednica Generalne skupštine OK BiH, ili ne izvršava zadatke koje proizilaze iz Statuta i odluka Generalne skupštine OK BiH i njezinih tijela.
 - d) Ako ne zastupa interese sportskog SSBiH čiji je predstavnik.
3. Razrješenje člana Generalne skupštine OK BiH zbog jednog ili više razloga iz prethodnog stava, može zatražiti SSBiH čiji je predstavnik, te članovi Generalne skupštine OK BiH.

Član 33.

1. Na osnovu pisanog zahtjeva ovlaštenog tijela ili osobe spomenute u članu 32. stav 3. ovog Statuta, dvotrećinskom većinom glasova od ukupnog broja članova Generalne skupštine OK BiH, Generalna skupština OK BiH donosi odluku o prestanku članstva u Generalnoj skupštini OK BiH zbog jednog ili više dokazanih razloga navedenih u članu 32. stav 2. ovog Statuta.
2. Član Generalne skupštine OK BiH o čijem se prestanku članstva raspravlja, ima pravo prije glasanja pred Generalnom skupštinom OK BiH izložiti svoj stav.
3. Razriješeni član Generalne skupštine OK BiH ne može više postati članom Generalne skupštine OK BiH niti obavljati bilo koju drugu funkciju u OK BiH, ako je razriješen u skladu sa članom 32. stav 2. tačka b) ovog Statuta i svoja prava može tražiti redovnim sudskim putem.

Član 34.

(Sjednica Generalne skupštine OK BiH)

1. Generalna skupština OK BiH odlučuje o pitanjima iz svoje nadležnosti na sjednicama.
2. Sjednice Generalne skupštine OK BiH saziva i njima predsjedava Predsjednik OK BiH, a u slučaju njegove odsutnosti ili spriječenosti, Prvi potpredsjednik, prema redoslijedu predsjedavanja, kad ocijeni potrebnim, a obavezno jednom godišnje:
 - a) Na temelju zaključka Izvršnog komiteta OK BiH.
 - b) Na zahtjev jednog od stalnih radnih tijela.
 - c) Na obrazloženi zahtjev najmanje jedne trećine članova Generalne skupštine OK BiH.
 - d) Na obrazloženi pisani zahtjev Nadzornog odbora OK BiH.
3. Osim ako nije drugačije navedeno u ovom Statutu, Generalna skupština OK BiH može pravomoćno djelovati ako je na sjednici prisutna natpolovična većina članova (50% plus jedan).

Član 35.

1. Sjednice Generalne skupštine OK BiH mogu biti redovne, vanredne, svečane i izborne.
2. Redovne sjednice Generalne skupštine OK BiH održavaju se najmanje jednom godišnje.



3. Vanrednu sjednicu može sazvati Predsjednik OK BiH po vlastitoj inicijativi, Predsjedništvo OK BiH, Izvršni komitet OK BiH ili 1/3 članova Generalne skupštine OK BiH, predstavnika SSBiH članova OK BiH. Zahtjev za sazivanje sjednice Generalne skupštine OK BiH mora sadržavati pisano obrazloženje s prijedlogom tema za dnevni red sjednice.

4. Izborne sjednice Generalne skupštine OK BiH održavaju se svake četiri godine, a najkasnije šest mjeseci poslije Ljetnih olimpijskih igara. Kopije zapisnika sjednica na kojima je došlo do izbora ili zamjene članova će biti poslana MOK-u. Svi ovi dokumenti moraju biti potpisani kao pravovrijedne kopije od strane Predsjednika OK BiH i Generalnog sekretara OK BiH

5. Svečane sjednice Generalne skupštine OK BiH mogu se sazvati povodom bosanskohercegovačkog Olimpijskog dana ili drugim adekvatnim povodom.

Član 36.

1. Na zahtjev Nadzornog odbora Generalne skupštine OK BiH, Predsjedništva OK BiH, 1/3 delegata – predstavnika SSBiH u OK BiH može se zakazati vanredna sjednica Generalne skupštine OK BiH na kojoj će se glasati o povjerenju Izvršnom komitetu OK BiH.

2. Na zahtjev bilo kog predlagača iz prethodnog stava, Predsjednik OK BiH je obavezan sazvati vanrednu sjednicu Generalne skupštine OK BiH u roku od petnaest dana od dostavljenog prijedloga, a ako to ne učini, vanrednu sjednicu će zakazati Nadzorni odbor OK BiH u roku sljedećih osam dana.

Član 37.

1. Nepovjerenje Izvršnom komitetu OK BiH je izrečeno ako za odluku o nepovjerenju glasa dvotrećinska većina ukupnog broja delegata Skupštine OK BiH, s tim da u tom broju natpolovičnu većinu čine predstavnici SSBiH.

2. U slučaju da Generalna skupština OK BiH izglasa nepovjerenje Izvršnom komitetu OK BiH, Predsjedništvo OK BiH je dužno sazvati vanrednu izbornu skupštinu OK BiH, u roku od šezdeset dana na kojoj će se izvršiti izbor novih članova Predsjedništva OK BiH, Izvršnog komiteta OK BiH na mandatni period do isteka mandata Generalne skupštine OK BiH.

Član 38.

1. U slučaju da Predsjedništvo OK BiH ne provede vanredne izbore u roku iz prethodnog člana, Izvršnom komitetu OK BiH i Predsjedništvu OK BiH automatski prestaje mandat. Nadzorni odbor OK BiH radi na sazivanju vanredne sjednice izborne Skupštine OK BiH.

Član 39.

1. Osim ako nije drugačije navedeno u ovom Statutu, odluke u Generalnoj skupštini OK BiH donose se jednostavnom većinom od ukupnog broja članova (najmanje 50% plus jedan svih članova Skupštine).

Two handwritten signatures in black ink are located in the bottom right corner of the page. The top signature is a cursive-style name, and the bottom signature is a more stylized, blocky name.

2. Uzdržani glasovi se ne uzimaju u obzir. U slučaju jednakog broja glasova, Predsjednik OK BiH ima odlučujući glas.

3. Sljedeće odluke su izuzetak od pravila iz stava 1. ovog člana i bit će donesene ako se za njih izjasni 2/3 ukupnog broja članova Generalne skupštine OK BiH:

- a) Svi izbori.
- b) Promjena Statuta OK BiH.
- c) Isključenje člana OK BiH.
- d) Prestanak rada OK BiH.

Član 40.

1. Glasanje na Generalnoj skupštini OK BiH je javno osim ako Generalna skupština OK BiH odluči 2/3 većinom svih članova Skupštine s pravom glasa da se glasanje o pojedinim pitanjima obavi tajno.

Član 41.

1. Kada se radi o:

- a) Učlanjanju OK BiH u razne međunarodne asocijacije i organizacije.
- b) Isticanju kandidature za organizaciju Olimpijskih igara.
- c) Uspostavljanju odnosa s drugim Nacionalnim olimpijskim komitetima.
- d) Projektu pripremama i sudjelovanja na Olimpijskim igrama.

Odluke po ovim pitanjima su punovažne ako za njih glasa 2/3 članova Generalne skupštine OK BiH, od čega će većina glasova biti od strane članova predstavnika SSBiH učlanjenih u Međunarodne federacije uključene u program Olimpijskih igara.

Član 42.

Predsjedništvo OK BiH

1. Predsjedništvo OK BiH je kolegijalni rukovodni organ OK BiH koji ima nadležnosti utvrđene ovim Statutom.

Član 43.

1. Predsjedništvo OK BiH se sastoji od Predsjednika OK BiH, Prvog i Drugog potpredsjednika OK BiH. Mandat članova Predsjedništva OK BiH traje četiri godine.

2. Kandidate za članove Predsjedništva OK BiH mogu istaći SSBiH – punopravni članovi OK BiH učlanjeni u matične narodne federacije uključene u program Olimpijskih igara.

3. SSBiH iz prethodnog stava mogu kandidirati za člana Predsjedništva OK BiH sportiste olimpijce i vrhunske sportiste.



4. Svaki član Predsjedništva OK BiH, sistemom rotacije, preuzima na 16 mjeseci svaku od tri funkcije. Član sa najvećim brojem glasova postaje prvi Predsjednik, potom Drugi potpredsjednik, a mandat završava kao Prvi potpredsjednik.
5. Član Predsjedništva sa drugim po redu brojem glasova počinje kao Prvi potpredsjednik, potom postaje Predsjednik, a svoj mandat završava kao Drugi potpredsjednik.
6. Član Predsjedništva sa trećim po redu brojem glasova počinje kao Drugi potpredsjednik, zatim postaje Prvi potpredsjednik, a svoj mandat završava kao Predsjednik.
7. Ako dva ili više izabranih članova Predsjedništva imaju jednak broj glasova, stariji član počinje sa višom funkcijom.

Član 44.


1. Ako je član Predsjedništva OK BiH spriječen da obavlja svoje dužnosti, bit će zamijenjen na propisnim i slobodnim izborima na sljedećoj redovnoj sjednici Generalne skupštine OK BiH i služiti će samo ostatak tog mandata.
2. Dok je ta funkcija upražnjena, funkciju v. d. Predsjednika i v. d. Prvog potpredsjednika preuzimaju članovi Predsjedništva OK BiH do izbora novog člana po sistemu rotacije, a nakon upisa promjena u Registru Udruženja kod nadležnog ministarstva.

Član 45.

1. Predsjedništvo OK BiH obavlja sljedeće zadatke:
 - a) Zastupa i predstavlja OK BiH u zemlji i inostranstvu u skladu sa svojim ovlaštenjima i odgovornostima proisteklih iz Statuta OK BiH.
 - b) Priprema i saziva sjednice Izvršnog komiteta OK BiH i Generalne skupštine OK BiH i tim sjednicama predsjedava.
 - c) Stara se o promociji olimpizma i primjeni Olimpijske povelje u zemlji.
 - d) Stara se o primjeni ovog Statuta i Poslovnika o radu Generalne skupštine OK BiH i Izvršnog komiteta OK BiH.
 - e) Stara se o realizaciji planova i programa i provođenju odluka Izvršnog komiteta OK BiH i Generalne skupštine OK BiH.
 - f) Podstiče aktivnosti na razvoju i unapređenju funkcioniranja sporta u Bosni i Hercegovini.
 - g) Učestvuje i predstavlja OK BiH na Olimpijskim igrama, evropskim festivalima mladih sportista, Mediteranskim igrama i drugim igrama koje organizuje MOK, EOK, ICMG.

Član 46.

1. Predsjednik OK BiH obavlja sljedeće aktivnosti:
 - a) Potpisuje protokole, konvencije i deklaracije međunarodnih sportskih i nevladinih asocijacija i institucija od interesa za sport.



- b) Potpisuje opće akte OK BiH koje donosi Izvršni komitet OK BiH i Generalna skupština OK BiH.
- c) Potpisuje verificirane zapisnike održanih sjednica Izvršnog komiteta OK BiH i Generalne skupštine OK BiH.
- d) Potpisuje pozive za sjednicu Izvršnog komiteta OK BiH i Generalne skupštine OK BiH.
- e) Vođa je delegacije OK BiH na Olimpijskim igrama, Mediteranskim igrama i drugim višesportskim priredbama na kojima delegacija OK BiH prisustvuje kao pozvana strana.
- f) Djeluje i potpisuje dokumente kao legalni predstavnik OK BiH.
- g) Predlaže plan rada i finansijski plan i podnosi izvještaj o radu i finansijski izvještaj OK BiH, Generalnoj skupštini OK BiH.
- h) Radi i druge poslove za koje ga ovlasti Predsjedništvo OK BiH ili Izvršni komitet OK BiH.

Član 47.

1. Za člana Predsjedništva OK BiH može biti izabrana osoba koja udovoljava sljedećim uvjetima i kriterijima:


- a) Da je državljanin Bosne i Hercegovine.
- b) Da je olimpijac, vrhunski sportista s dokazanim rezultatima u organiziranju i vođenju sporta.
- c) Da vlada jednim od službenih jezika MOK-a, engleskim ili francuskim.
- d) Da nije prekršio Olimpijsku povelju, Etički kodeks MOK-a, Svjetski antidoping kodeks i principe ovog Statuta.
- e) Da prihvaća ovaj Statut i olimpijske principe.

Član 48.

Izvršni komitet OK BiH

Izvršni komitet OK BiH je izvršni organ OK BiH koje obavlja sljedeće zadaće i poslove:

- 1. Predlaže Statut OK BiH te njegove izmjene i dopune.
- 2. Donosi i usvaja Pravilnik o radu i opće akte kao njihove izmjene i dopune.
- 3. Predlaže Strategiju i politiku razvoja sporta.
- 4. Imenuje i razrješava Generalnog sekretara OK BiH.
- 5. Predlaže učlanjenje u međunarodne sportske i nedržavne asocijacije od interesa za OK BiH.
- 6. Inicira uspostavljanje i održavanje odnosa s drugim Nacionalnim olimpijskim komitetima.
- 7. Predlaže isticanje kandidature za organizaciju Olimpijskih igara i drugih višesportskih takmičenja.
- 8. Predlaže godišnje i višegodišnje programe javnih potreba sporta na državnom nivou te utvrđuje izvještaje o izvršenju programa i utrošku finansijskih sredstava.



9. Daje mišljenje i preporuke za organiziranje većih međunarodnih sportskih takmičenja i priredbi BiH.
10. Odobrava pokroviteljstvo OK BiH pod utvrđenim uvjetima.
11. Predlaže učlanjenje novih članova u OK BiH.
12. Daje preporuke za učlanjenje SSBiH u međunarodne federacije.
13. Predlaže počasne članove OK BiH.
14. Ističe kandidate za članstvo u tijelima MOK-a i drugim asocijacijama čiji je OK BiH član.
15. Imenuje i opoziva predstavnike OK BiH u drugim organizacijama, institucijama i tijelima.
16. Utvrđuje učesnike olimpijskih i mediteranskih igara i drugih višesportskih takmičenja u nadležnosti OK BiH.
17. Imenuje predsjednike i članove stalnih i povremenih radnih tijela Izvršnog komiteta OK BiH.
18. Određuje predstavnike OK BiH za sudjelovanje na inostranim skupovima, manifestacijama, zvaničnim sastancima u organizaciji MOK-a, ANOK-a, EOK-a i ICMG-a.
19. Odlučuje o načinu sticanja i korištenja sredstava u okviru usvojenog programa i finansijskog plana.
20. Odlučuje o osnivanju privrednih subjekata.
21. Upravlja sredstvima OK BiH.
22. Izriče mjere i sankcije u skladu s članom 24. ovog Statuta.
23. Donosi poslovnik o svom radu u skladu sa ovim Statutom i Olimpijskom poveljom.
24. Obavlja i druge zadaće i poslove koje mu povjeri Generalna skupština OK BiH, odnosno koje su mu stavljene u nadležnost ovim Statutom.
25. Podnosi izvještaj o radu OK BiH i odgovoran je za svoj rad Generalnoj skupštini Olimpijskog komiteta.

Član 49.

1. Članove Izvršnog komiteta OK BiH bira Generalna skupština OK BiH iz svojih redova.
2. Izvršni komitet OK BiH čini 13 (trinaest) članova, i to:
Predsjedništvo OK BiH, sastavljeno od jednog Predsjednika, Prvog i Drugog potpredsjednika OK BiH kako je navedeno u članu 42. ovog Statuta i 10 (deset) izabranih članova.

Član 50.

1. Za člana Izvršnog komiteta OK BiH može biti izabrana samo osoba koja udovoljava kriterijima i uvjetima iz člana 20. stav 4. ovog Statuta.

Član 51.

1. U skladu sa odredbama Olimpijske povelje:
 - a) Glasačku većinu Izvršnog komiteta OK BiH moraju činiti predstavnici SSBiH učlanjenih u Međunarodne federacije čiji su sportovi uključeni u program Olimpijskih igara;
 - b) U Izvršnom komitetu OK BiH moraju biti barem dvije žene.
2. Član(ovi) MOK-a u Bosni i Hercegovini, ako postoji/e, smatraju se *ex-officio* član(ovima) Izvršnog komiteta OK BiH i imaju pravo glasa.

Član 52.

1. Mandat članova Izvršnog komiteta OK BiH traje paralelno mandatu Generalne skupštine OK BiH – četiri godine.
2. Član Izvršnog komiteta OK BiH, po isteku mandatnog perioda može ponovo biti izabran na mandatni period po pravilu iz prethodnog stava.
3. Za slučaj razrješenja člana Izvršnog komiteta OK BiH primjenjuju se odredbe člana 31. i 32. ovog Statuta.

Član 53.

1. Izvršni komitet OK BiH zasjeda na sjednicama.
2. Osim ako nije drugačije navedeno u ovom Statutu, Izvršni komitet OK BiH može pravomoćno odlučivati ako je više od polovine članova (50% plus jedan) prisutno na sjednici Izvršnog komiteta OK BiH.
3. Osim ako nije drugačije navedeno u ovom Statutu, odluke donosi Izvršni komitet OK BiH jednostavnom većinom glasova od ukupnog broja članova (najmanje 50% plus jedan svih članova).

Član 54.

1. Sjednicama Izvršnog komiteta OK BiH predsjedava Predsjednik OK BiH, a u slučaju njegove odsutnosti ili spriječenosti, potpredsjednik OK BiH, po redoslijedu predsjedavanja.
2. Poslovníkom o radu, u skladu sa članom 89. ovog Statuta, podrobnije se određuju pitanja u vezi sa održavanjem sjednica.

Član 55.

1. Sjednice Izvršnog komiteta OK BiH saziva Predsjednik OK BiH prema potrebi, a najmanje šest puta godišnje.
2. Predsjednik OK BiH je obavezan sazvati sjednicu i na obrazloženi pisani zahtjev najmanje jedne trećine članova Izvršnog komiteta OK BiH.



3. Sjednice mogu biti redovne, vanredne ili svečane. Sjednice mogu biti otvorene ili zatvorene za javnost, ovisno o sadržaju i značenju predmeta koji su na raspravi, o čemu odlučuje Izvršni komitet OK BiH.

Član 56.

1. Za izvršavanje određenih zadataka, Izvršni komitet OK BiH svojom odlukom osniva stalne i povremene komisije OK BiH.

2. Stalne komisije su:

- a) Komisija sportista;
- b) Komisija za vrhunski sport;
- c) Komisija za fair-play;
- d) Komisija za međunarodne odnose;
- e) Komisija za edukaciju;
- f) Zdravstvena komisija;
- g) Komisija za marketing.

3. Povremene komisije osnivaju se za izvršavanje određenih zadataka.

Član 57.

1. Odlukom o osnivanju komisije, Izvršni komitet OK BiH određuje njihov sastav, djelokrug i ovlasti.

2. Na komisiju Izvršni komitet OK BiH ne može prenijeti odlučivanje o pitanjima koja su ovim Statutom stavljena u nadležnost Izvršnog komiteta OK BiH.

3. Izvršni komitet OK BiH imenuje predsjednike radnih tijela i na njihov prijedlog imenuje članove.

4. Izvršni komitet OK BiH verificira programe rada, usvaja prijedloge i izvještaje radnih tijela.

Član 58.

1. Članovi Izvršnog komiteta OK BiH izvršavaju zadatke koje im naloži Generalna skupština OK BiH, Izvršni komitet OK BiH ili Predsjedništvo OK BiH.

2. Izvršni komitet OK BiH je za svoj rad odgovoran Generalnoj skupštini OK BiH.

Član 59.

1. Obaveza je članova Izvršnog komiteta OK BiH u svakoj prilici zastupati i štiti interese OK BiH, cjelokupnog sporta i olimpizma.

Član 60.
Generalni sekretar OK BiH

1. Generalni sekretar OK BiH je profesionalno lice sa posebnim ovlaštenjima, pravima i obavezama propisanim ovim Statutom.

Član 61.

1. Izvršni komitet OK BiH imenuje Generalnog sekretara OK BiH u skladu sa Zakonom o radu u institucijama BiH.

Član 62.

1. Mandat Generalnog sekretara OK BiH traje četiri godine i može biti reizabran na još jedan mandatni period od četiri godine bez javnog raspisivanja oglasa.
2. Prava i obaveze Generalnog sekretara OK BiH iz radnog odnosa utvrđuju se posebnim ugovorom koji se zaključuje između Generalnog sekretara OK BiH i Predsjednika OK BiH na period trajanja mandata, u skladu sa Zakonom o radu u institucijama Bosne i Hercegovine.
3. Prestankom mandata po bilo kom osnovu, Ugovor iz prethodnog stava prestaje da važi danom prestanka mandata.

Član 63.

1. Po isteku mandata Generalnom sekretaru OK BiH, po bilo kom osnovu, lice koje je obavljalo funkciju Generalnog sekretara OK BiH, može se rasporediti na poslove i radne zadatke u okviru radne zajednice OK BiH, u skladu sa stručnim kvalifikacijama.

Član 64.

1. Generalni sekretar OK BiH je dužan pripremiti program rada OK BiH, kao i izvještaj o radu za svaku kalendarsku godinu, kao i program rada i izvještaj za mandatni period koje usvaja Izvršni komitet OK BiH.

Član 65.

1. Generalni sekretar OK BiH organizira Stručnu službu OK BiH, njome rukovodi, donosi interne akte službe samostalno, osim Pravilnika o unutrašnjoj organizaciji službe za koji je dužan pribaviti prethodnu saglasnost Izvršnog komiteta OK BiH.
2. Generalni sekretar OK BiH u ime OK BiH zaključuje ugovore o radu sa svim zaposlenicima Stručne službe OK BiH.

Član 66.

Za Generalnog sekretara OK BiH može biti imenovana osoba koja ispunjava sljedeće uvjete i kriterije:

1. Da je državljanin BiH.
2. Da nije otpušten iz državne službe u institucijama Bosne i Hercegovine, odnosno entitetima u Bosni i Hercegovini kao rezultat krivične ili disciplinske mjere zbog sukoba nadležnosti.
3. Da se na njega ne odnosi Član IX 1. Ustava Bosne i Hercegovine.
4. Da posjeduje visoku stručnu spremu.
5. Da ima najmanje pet godina radnog iskustva na rukovodećim poslovima u sportu.
6. Da temeljito poznaje sistem i djelovanje sporta i olimpijskog pokreta u zemlji i svijetu.
7. Da posjeduje znanja i sposobnosti organiziranja, rukovođenja i koordiniranja.
8. Da je sposoban obavljati nalogodavne funkcije i samostalno donositi odluke.
9. Da posjeduje osobine kreativnosti i komuniciranja.
10. Da prihvća ovaj Statut i Olimpijsku povelju.
11. Da se nije ogriješio o norme i moralna načela olimpizma te MOK-ovih kodeksa.
12. Da u potpunosti vlada jednim službenim jezikom MOK-a, engleskim ili francuskim.

Član 67.

Generalni sekretar OK BiH obavlja sljedeće poslove i zadatke:

1. Zastupa OK BiH u skladu sa ovlaštenjima i stara se o zakonitosti rada OK BiH.
2. Izvršava i provodi odluke Generalne skupštine OK BiH, Predsjedništva OK BiH, Izvršnog komiteta OK BiH i nezavisnih tijela OK BiH (izvršavanje godišnjih finansijskih planova, ostvarivanje programskih aktivnosti OK BiH itd.).
3. Stara se o poštivanju i provođenju Olimpijske povelje i ovog Statuta.
4. Stara se i priprema materijale za sjednice Predsjedništva OK BiH, Izvršnog komiteta OK BiH i Generalne skupštine OK BiH.
5. Priprema zapisnike sa sjednice Predsjedništva OK BiH, Izvršnog komiteta OK BiH i Generalne skupštine OK BiH, za verifikaciju, vrši arhiviranje i čuvanje sa ostalom dokumentacijom.
6. Obavještava nosioce za izvršenje zadataka iz odluka i zaključaka te o realizaciji izvršenja tih zadataka blagovremeno i redovno obavještava Predsjedništvo OK BiH i Izvršni komitet OK BiH, a putem godišnjeg izvještaja i Generalnu skupštinu OK BiH.

7. Koordinira radom komisija, pruža stručnu i tehničku pomoć u radu komisija i drugih tijela Predsjedništva, Izvršnog komiteta i Generalne skupštine OK BiH i stara se o provođenju njihovih odluka i zaključaka.
8. Učestvuje u radu Predsjedništva OK BiH, Izvršnog komiteta OK BiH i Generalne skupštine OK BiH bez prava učešća u odlučivanju.
9. Stara se o suradnji sa MOK-om, EOK-om, njihovim organima i tijelima, kao i sa ostalim sportskim asocijacijama čiji je OK BiH član ili partner.
10. Čuva ugled MOK-a, ANOK-a, EOK-a, ICMG-a i OK BiH, kao i njihovih organa i tijela.
11. Stara se o suradnji OK BiH sa NOK-ovima drugih zemalja.
12. Član je delegacije OK BiH na Olimpijskim i Mediteranskim igrama, kao i na drugim sportskim takmičenjima koje organizuje MOK, ANOK, EOK i ICMG.
13. Ostvaruje suradnju sa državnim organima i organizacijama, sa nevladinim organizacijama u oblasti sporta i brige o omladini.
14. Stara se o javnosti rada OK BiH njegovih organa i tijela i obavještava javnost o aktivnostima OK BiH, organizira konferencije za štampu kada to odluči Predsjedništvo OK BiH.
15. Predlaže Predsjedništvu OK BiH i Izvršnom komitetu OK BiH najbolja rješenja za unapređenje djelatnosti i poslovanja OK BiH.
16. Za svoj rad odgovara Izvršnom komitetu OK BiH.
17. Organizira Stručnu službu u OK BiH i njome rukovodi.

Član 68. **Nadzorni odbor OK BiH**

1. Nadzorni odbor Olimpijskog komiteta Bosne i Hercegovine (u daljem tekstu: Nadzorni odbor OK BiH) tijelo je OK BiH sa zadatkom:
 - a) Nadzora nad djelatnošću OK BiH.
 - b) Provjere zakonitosti u radu i materijalno-finansijskom poslovanju u OK BiH.
 - c) Nadzora izvršavanja odluka i zaključaka Generalne skupštine OK BiH i Izvršnog komiteta OK BiH.
 - d) Provjere pridržavanja utvrđenih normi i akata OK BiH, kako je navedeno u članu 89. ovog Statuta, i poštivanja ovog Statuta.

Član 69.

1. Predsjednika i članove Nadzornog odbora OK BiH bira Generalna skupština OK BiH glasanjem na način i po postupku utvrđenom posebnom odlukom Generalne skupštine OK BiH o provođenju izbora u OK BiH, u skladu sa članom 89. ovog Statuta.

Član 70.

1. Nadzorni odbor OK BiH broji tri člana.
2. Mandat članova Nadzornog odbora OK BiH traje paralelno mandatu Generalne skupštine OK BiH – četiri godine.
3. Član Nadzornog odbora OK BiH, po isteku mandatnog perioda može ponovo biti izabran na mandatni period po pravilu iz prethodnog stava.

Član 71.

1. Radi izvorne informiranosti i uspješnog djelovanja:
 - a) Predsjedniku Nadzornog odbora OK BiH dostavlja se poziv sa materijalima za sjednice Izvršnog komiteta OK BiH.
 - b) Predsjednika i članove Nadzornog odbora OK BiH poziva se na sjednice Generalne skupštine OK BiH.
 - c) Predsjednik i članovi Nadzornog odbora OK BiH dobivaju zapisnike sjednica Izvršnog komiteta OK BiH i Generalne skupštine OK BiH.

Član 72.

1. Način rada Nadzornog odbora OK BiH propisuje se poslovníkom o radu koji donosi Nadzorni odbor OK BiH, a u skladu sa članom 89. ovog Statuta.
2. Stručne, administrativne i tehničke poslove za Nadzorni odbor OK BiH obavlja Stručna služba OK BiH.

Član 73.

Sud časti i sportske arbitraže

1. OK BiH osniva Sud časti i sportske arbitraže kao samostalno i nezavisno tijelo.
2. Sud časti i sportske arbitraže pored prednjih poslova daje i pravna mišljenja iz ovog domena na zahtjev Izvršnog komiteta OK BiH.
3. Sud časti i sportske arbitraže djeluje kao Sud časti i Sud sportske arbitraže.
4. Kao Sud časti rješava sporove u vezi sa povredom Statuta, Olimpijske povelje od strane pojedinca, kao i u slučajevima narušavanja digniteta OK BiH, nedoličnog ponašanja člana Generalne skupštine OK BiH, Predsjedništva OK BiH, Izvršnog komiteta OK BiH ili nekog od profesionalnih lica na radu u OK BiH te u slučajevima sukoba interesa u OK BiH.

Član 74.

1. Kao Sud sportske arbitraže i najveći autoritet u sportu u Bosni i Hercegovini odlučuje o zahtjevu za vanredno preispitivanje odluka SSBiH protiv kojih su iscrpljena, ili ne postoje, druga sredstva pravne zaštite, te obavlja druge poslove utvrđene ovim Statutom, pravilnikom o postupku i drugim aktima OK BiH i Suda časti i sportske arbitraže.
2. Protiv odluke Suda sportske arbitraže može se izjaviti žalba Sportskom arbitražnom sudu u Lozani, Švicarska, koji će donijeti konačnu odluku o sporu sukladno Kodeksu sportske arbitraže. Rok za podnošenje žalbe je 21 dan od dostave odluke.
3. Sud časti i sportske arbitraže pored prednjih poslova daje pravna mišljenja iz ovog domena na zahtjev Izvršnog komiteta OK BiH.

Član 75.

1. Sud časti i sportske arbitraže čine Predsjednik, Potpredsjednik i tri člana, koje bira Generalna skupština OK BiH na vrijeme od četiri godine. Članove Suda časti i sportske arbitraže bira Generalna skupština OK BiH iz reda pravnika-sportista i bivših sportista, te drugih članova iz pravne struke.
2. Druga pitanja iz nadležnosti sastava i organizacije Suda časti i sportske arbitraže, te Statuta o postupku pred Sudom časti i sportske arbitraže, uređuju se pravilnikom o postupku pred Sudom časti i sportske arbitraže, a u skladu sa navedenim u članu 89. ovog Statuta.

Član 76.

Komisija za antidoping kontrolu

1. Komisija za antidoping kontrolu broji tri člana koje bira Generalna skupština OK BiH iz reda svojih članova na mandat od četiri godine.
2. Druga pitanja koja se odnose na nadležnosti, sastav i organizaciju Komisije za antidoping kontrolu detaljnije se uređuje Poslovníkom o radu Komisije za antidoping kontrolu, a u skladu sa članom 89. ovog Statuta.


Član 77.

Olimpijska akademija Bosne i Hercegovine

1. Radi podsticanja i širenja olimpizma te stručnog osposobljavanja i usavršavanja učesnika u sportu u skladu sa Olimpijskom poveljom, posebnim aktom Generalne skupštine OK BiH osniva Olimpijsku akademiju.

Član 78.

1. Generalna skupština OK BiH posebnom Odlukom osniva Olimpijski muzej radi prezentiranja tradicije bh. sporta kroz organiziranje stalne muzejske postavke sportskih eksponata, te organiziranjem aktualnih povremenih izložbi.



V SREDSTVA I FINANSIRANJE

Član 79.

1. Imovinu OK BiH čine novčana sredstva, nepokretne i pokretne stvari, te druga imovinska prava.
2. Prihodi OK BiH mogu uključivati sljedeće:
 - a) članarinu;
 - b) dobrovoljne priloge i poklone javnih institucija, fizičkih i pravnih lica, kako stranih tako i domaćih, u gotovini, uslugama ili imovini bilo koje vrste;
 - c) državne subvencije i ugovore sa državom, javnim institucijama, fizičkim i pravnim osobama, kako domaćim tako i stranim;
 - d) prihod od kamata, dividendi, dobiti od kapitala, zakupnina, honorara i sličnih izvora pasivnog prihoda i
 - e) prihod stečen kroz ostvarivanje ciljeva i aktivnosti udruženja ili fondacije, kako je određeno Statutom.

Član 80.

1. Za ostvarivanje programskih zadataka iz člana 21. stav 1. tačka d) ovog Statuta, OK BiH osigurava članovima OK BiH sredstva, iz budžeta, iz sredstava MOK-a i iz vlastitih sredstava, a prema kriterijima i mjerilima programiranja i finansiranja sporta, i to za:
 - a) Službene nastupe i kvalifikacijska natjecanja, završne pripreme reprezentativnih selekcija i pojedinaca za Olimpijske igre, Mediteranske igre, međunarodna takmičenja u organizaciji MOK-a, ANOK-a, EOK-a i ICMG-a.
 - b) Zdravstvenu zaštitu, doping kontrolu, dopunsku prehranu (vitaminizaciju), te osiguranje, testiranje i opremanje sportista za navedena takmičenja;
 - c) Permanentnu brigu o posebno talentiranim mladim sportistima i olimpijskim kandidatima.

Član 81.

1. Budžetska sredstva i ostala sredstva su namjenska i mogu se samo tako koristiti.
2. Sredstva ostvarena na olimpijskom programu i od olimpijske solidarnosti koriste se namjenski prema važećim propisima MOK-a i OK BiH.
3. Sredstvima, koja OK BiH ostvari vlastitom djelatnošću, raspolaže OK BiH i koristi ih za unapređenje djelatnosti OK BiH i njegovih članica, primjenom važećih akata i odluka Generalne skupštine OK BiH i Izvršnog komiteta OK BiH, kako je naznačeno u članu 89. ovog Statuta.

Član 82.

1. Raspored planiranih sredstava za ostvarivanje programskih aktivnosti OK BiH, vrši se u skladu sa godišnjim programom i godišnjim planom OK BiH.

Član 83.

1. Materijalno-finansijsko poslovanje OK BiH organizira se i vodi u skladu sa zakonskim propisima i međunarodnim knjigovodstvenim standardima. Shodno tome, nezavisna međunarodna revizorska kuća, a koju angažuje MOK, po potrebi će izvršavati reviziju OK BiH.

2. OK BiH je dužan dostaviti finansijski izvještaj nadležnom organu prema sjedištu i Ministarstvu pravde Bosne i Hercegovine radi objave na internetskoj stranici Ministarstva, a najkasnije do 30. aprila tekuće godine za prethodnu poslovnu godinu.

VI STRUČNA SLUŽBA OK BIH

Član 84.

1. Za obavljanje poslova OK BiH osniva se Stručna služba OK BiH.

2. Stručna služba OK BiH obavlja stručne, administrativne i tehničke poslove, zadatke iz područja sporta i međunarodnih sportskih odnosa i aktivnosti, te izvršava obaveze utvrđene propisima i odlukama OK BiH koje će biti donesene u skladu sa članom 89. ovog Statuta.

3. Zaposlenici u Stručnoj službi OK BiH primaju se po proceduri koju je predvidio Pravilnik o unutrašnjoj organizaciji Stručne službe OK BiH.

4. Zaposlenik zaključuje ugovor o radu sa OK BiH u kojem su precizirana prava i obaveze, kao i odgovornosti iz radnog odnosa u skladu sa odredbama Zakona o radu u institucijama u Bosni i Hercegovini.

Član 85.

1. Organizacija i način rada Stručne službe OK BiH uređuje se Pravilnikom o unutrašnjoj organizaciji Stručne službe OK BiH, koji donosi Generalni sekretar OK BiH uz prethodnu suglasnost Izvršnog komiteta OK BiH.


VII JAVNOST RADA

Član 86.

1. Rad OK BiH je javan.

2. Javnost rada ostvaruje se:

a) Pravovremenim dostavljanjem materijala za raspravu članovima tijela OK BiH i drugim pozvanim osobama koji se na njih mogu odnositi.



- b) Obavještanjem sredstava javnog informiranja o održavanju sjednica.
 - c) Obavještanjem javnosti o radu i poslovanju OK BiH putem sredstava informiranja i na konferencijama za štampu.
 - d) Objavom na internetskim stranicama OK BiH itd.
3. Izvršni komitet OK BiH može odlučiti da otvori sjednice za sredstva javnog informiranja.

VIII PRESTANAK RADA OK BIH

Član 87.

1. Olimpijski komitet Bosne i Hercegovine prestaje s radom dobrovoljno ako to odluči Generalna skupština OK BiH dvotrećinskom većinom glasova svih članova Generalne skupštine OK BiH.
2. U slučaju prestanka s radom, o imovini OK BiH odlučuje Generalna skupština OK BiH u skladu sa zakonom i istu može dodijeliti istoj ili sličnoj organizaciji u BiH, u skladu sa odredbama Zakona o udruženjima i fondacijama BiH.

IX ZAVRŠNE ODREDBE

Član 88.


1. Promjene i dopune ovog Statuta vrše se na način i po postupku predviđenom za njihovo donošenje.
2. Tumačenje ovog Statuta bit će u nadležnosti Generalne skupštine OK BiH.

Član 89.

1. Svi opći akti OK BiH i njegovih članova uskladit će se s odredbama ovog Statuta u roku od šest mjeseci od dana stupanja Statuta na snagu.
2. Svi opći akti i ostali posebni akti – pravni dokumenti usvojeni od strane OK BiH bit će usklađeni sa Olimpijskom poveljom i ovim Statutom. Ako postoji sumnja o značenju ili tumačenju općih akata i ostalih posebnih akata – pravnih dokumenata, ili ako postoji proturječnost između ovog Statuta i općih akata i ostalih posebnih akata – pravnih dokumenata, mjerodavan je tekst ovog Statuta i Olimpijske povelje.

Član 90.

1. Statut OK BiH mora biti usklađen sa Olimpijskom poveljom.

Handwritten signature and a stamp, likely an official seal or mark, located in the bottom right corner of the page.

Član 91.

1. Bilo kakva promjena ovog Statuta u originalnoj verziji odobreno od strane Ministarstva pravde BiH bit će odmah dostavljena MOK-u sa zahtjevom za ponovno usvajanje.

Član 92.


1. Ovaj Statut stupa na snagu danom donošenja. Stupanjem na snagu ovog Statuta stavlja se van snage Statut OK BiH broj 014-01/08 od 12. 05. 2008. godine.

Predsjedništvo OK BiH

**Predsjednik
Marijan Kvesić**



**Potpredsjednik
Siniša Kisić**



**Potpredsjednik
prof.dr Izet Rađo**

